



مكتبة  
الإمام أمير المؤمنين عليه السلام  
القائمة  
الكتاب - النسخات  
فرع العامة

# عيد الغدير

في مكتبة الإمام أمير المؤمنين عليه السلام العامة / فرع العباسية

## شعر شعبي

لمجموعة من الشعراء السعبيين

منشورات مكتبة الإمام أمير المؤمنين عليه السلام رقم ( ٤ )



بسم الله الرحمن الرحيم

## كلمة مدير المكتبة

الحمد لله رب العالمين والصلاة والسلام على سيد المرسلين محمد واله الطيبين الطاهرين واللعن الدائم على اعدائهم اجمعين ومنكري فضائلهم لا سيما ام الفضائل \_ بيعة الغدير \_

لاشك ان يوم الغدير من الايام الخالدة في الوجود بكم اعلانه في العالم العلوي قبل هذا العالم وتسميته هناك بيوم الميثاق ، اما في هذا العالم فهو بيعة معاقدها من الخلق الرقاب لا تنفك عنهم الا من ابى

بمحوده وكفره

وان من دواعي السرور وعظيم الجوران تأسست مكتبة الامام امير المؤمنين عليه السلام العامة فرع العباسية في مثل هذا اليوم من عام ١٤٢٥ هجرية ، وفي هذا العام قامت مكتبتنا بالتهيئة لاحتفال الغدير

والذي شارك فيه جماعة من شعراء الادب الشعبي منهم جماعة خيمة الشعراء الشعبيين في الكوفة ومنهم من الملتقى الشعري وغيرهم اخرين ، فكان احتفالا ولائيا جددت فيه البيعة والولاية لسيد الكونين امير المؤمنين عليه السلام ، وقد ارتات مكتبتنا طبع هذه القصائد في كتاب

يصدر ضمن سلسلة اصداراتها . وكان في نية بعض الاخوان المؤمنين قراءة قصيدة الشاعر عريان سيد خلف في حق امير المؤمنين عليه السلام





فلم يتهمى له ذلك لضروف الاحتفال ، لذا نحن هنا تلبية لطلبه الذي  
لم نسعه في حينها نشر هذه القصيدة احتفاء به وبالشاعر عريان سيد  
خلف ، شاكرين لجميع الاخوة الشعراء مشاركتهم لنا وتحملهم عناء  
السفر لاداء هذا المنسك العظيم ، والطواف حول حضرة امير المؤمنين  
عليه السلام شعرا بهذه القصائد الرائعة لجميع الاخوة الذين شاركوا  
في الاعداد لهذا الاحتفال وانجاحة ونقول: لكم منا الشكر ومن امير  
المؤمنين الاجر والحمد لله رب العالمين اولا واطرا وظاهرا وباطنا  
حسن كاظم عبد السادة  
مدير المكتبة

## باب النجاة

للشاعر : عريان سيد خلف

خطوة بأثر خطوة... لكبتك ماشين  
بينه جروح كثرة... وحيل مهضومين...  
حيرة... وليل عاصف... والظنون كصار...  
ومناحط الجسرة... ايفرز الميتين...  
يامكصد...  
وحكك... كصه ويانه الحيف...





حد ناب الضرر وتبشروا العفنين  
نغفه اعلی الجروح امهدهدين الحيل



ونصبح بعبرة قهر مخنوكين  
لا ينفض حزنه ولا جرحنه ايطيب



من غدر الليالي ولا وكتنه ايلين  
ودنيا الطلكنها بزهدك وعليك



شدت حيلها ترد ثارها بقاطين  
ياغوث الهضم يا سيد السادات



يا باب النجاة واول الداعين  
يا عصاة موسى ويا شفيع الخوت



يا زلزلة صفين  
يا فارس الخندك



والمنايا تحوم  
وامعلي الفخر ومحير الصوبين



يا ثابت الجخير واللوه بيمناك  
يا داحي المنع وميسر العاصين



يا عادل وسيفك بالعدل ميزان  
ينصف الفوارس لو جسم نصيين





يا صوت المنايا... بنهر وان الموت..



ويوم الجمل... تستاهل العفرين..



ياروح الرسالة... وهالة الايمان.. ياطاهر لبن..



من لحظة التكوين..



علي رحمة.. وعطف.. من قدرة الرحمن..



والحبك ربح.. والخاصمك يخسر..



علي تكوين قدرة.. بلحظة التكوين..



علي سورة قيس.. سبحان من صور..



علي يية وبلاغ.. ولازمة وتوكيد بالقرآن..



وبكل سطر يتكرر..



علي نهج البلاغة... ودقة التفسير..



**وحل المعضلة.. لكل عقل يتحير..**



علي نفحة الجنة..



وتين والزيتون..



وآية (هل اتى) ويشرف علي الكوثر..



علي هارون موسى.. لسيد التوحيد..



وبجناح البشير النزل... يدثر..



علي أول شهادة... بأول الاسلام..



واول سيف.. بركاب الكفر... كبر..





علي منهج دلالة... وشاهد وعنوان ..  
وحرية فكر للراد يتحرر..





# إصبع عراقي



امين سلمان الجبوري  
خيمة الشعراء الشعبيين في الكوفة

هاذ آني ... هاذ آني

عرا قي أو هذا نيشاني

اصبعي ايظل عدل للدوم

مو معكوف

وافكس عين عدواني

عراقي وانتخب يشهدلي كل الكون

جيل الجيل اظل مذكور

ما واحد الينساني

العراق ايظل حبيبي ... بالعمر افديه

والعاداه اظل آوياء كوماني



خل يطلب وطنه اشما طلب نطيه



حب الاولى منبدله ابثاني



أحسن يا وطن موكاع بيها انهار



انته أم او ابو ملفوف بجضاني



صوته أو نريد الما سمع يسمع



شعب واعى يعرفه القاصي والداني



اوليينه نداء المرجعية ابزود



واصنه أعله العهد سيدي السستاني



هذا آني ... هذا آني



عراقي أو هذا نيشاني



أسف شيثة جبرهم كانت ازغيره



لو بيهه كبر غطيت ذرعاني



الاحد ٣٠٥/١١/٣٠







# مواويل



الشاعر  
محمد الخالدي



ايوم الغدير النبي بكل الفخر.....تاجله



بي توجك يا علي وهذا الامر.....تاجله



الباري اوصه النبي لامري فلا .....تاجله



بعهدالولاية العلي يا هل النبي .....بلغه



وجبريل آلك بأمر ترجم شرح .....بلغه



ياعلي وغيرك فلا هذا الشرف.....بلغه



تاج الولاية لك يا با الحسن .....تاجله



الجيد المجد يا علي حبك نضمته عقد



والسان كل الذي يبغي لخصامك عقد



بعقد الولاية آلك ربك يحيدر ....عقد



وهذا آلام خالقك بولايتك ....مرتبه





وعن الوحي والنبى هذا الامر... مرتبه  
مخصوص الك بالعرش اسمى واجل مرتبه

والينكر ولاينك الله شيفيده عقد

❖❖❖  
با جر ابيوم الحشر مهموم اطب خالدي

وغير العذاب اشد مادار في خالدي  
وارقد جهنم واكولن راح اضل خالدي

بيها ولا عمل يشفع ذنوبي...عده  
حب حيد بالكلب فاق كل حب عده

وهو شفيعي غدا واعظم مكانه عده  
ولمن يصلني السره يكلول اتركوا الخالدي

❖❖❖  
العقل الخضم ياعلي من سر خلودك عمر

وبنيان للدين شامخ من جهادك عمر  
وبذات وضحيث واهب من حياتك عمر

ولجله واصرار حاربت المنيه معضله

والمايواليك عايش بالوهم معضله  
عالم بالاسرار وتحل جم وجم معضله





ولولاك يا ابا الحسن جاهلك عمر





## غديره

للشاعر : ابو نور الاسدي



غديره ونبايع بها للكرار  
أمر بها الجليل شلون نعصي أمره  
على لسان النبي تلفت لكل الناس  
بعد ماتم حجيجه وكمل العمره  
نزلت آيه بالقران كالت يا رسول الل بلغ  
زف لها خلك يا لمصطفى البشرى  
اذا ما بلغن ما كمات ديني  
ولا تكمل رسالا تي اذا ما تعلن بامرہ  
شال ايدة وبياض الابط بان برفعت اديهم  
وكال الوصي من بعدي علي  
لانكل الشروط بشخصه متوفره  
بس غاب النبي تغيرت هالاصحاب  
نكروا بيعه الكرار والهادي نسوا ذكره



وهجموا على الدار واضرموها بنار  
ومعروفين ذوله الاذو العتره



كالوا حيدر رابع وماهو منصب من الله  
كلنه الاول الكرار والكاله محمد ابد منغيره



عليه الزمن حط جم ظالم وملعون



وما غيروا مت حب الوصي شعره  
الكبايعته ياكراار بيعه وفه من الاعماق



وما فد يوم ذلينهلطغة وشلرذمه وزمره  
بعته لعلي منبايع الاول



ولا بايعنه ذاك اليضرب الزهره



ولا بايعنه ذاك الثالث الملعونلا والله



بايعناك يا كراار وانت بشيعتك ادره



لعب بينه الزمان وسلط الافات



واعليه المشانق صارت بكثره



مقابرته جماعيهاعلى حبك واحنه ما ننساك



ما ننساك والينكر ولاية حيدر نكره



لعب بينه الزمان وهجم الله بيوت



بين البالسجن مختار بينالينهزم بره





بين الدفنته الظلام حي والي يعدمونه  
وبين الصار بيته مدفنه وكبره



وحق رب العرش والمصطفى الهادي



وحق الزهره وحسين وحسن والي انسبت حره



لوانسحق والشنق يصير باب صحن الدار



وتتكطع اوصالي وكل بلد بيه وصله لو وذره



ولو جسمي يحركونه ورماد يصير



ومن بعد الحرك بالهوى اتذره



ما انسه علي الكرار لا والله



ياحيدر تصيح بجسمي كل ذره



على مر العصور الدمه منه يسيل



وسيوف الظلم من دمته اصبحت حمره



وراوانه الرصاص اشكال فوك اشكال



واول واحد تندم لو يجر حسره



نصذك بحب علي متمسكين



وكل ام تنطي ابنها وبه مفتخره



وكل شريان بينه يصيح ياكرا



ياحيدر تصيح بدمنه كل كطره





# رسالة إلي سيدي أمير

## المؤمنين علي (ع)

شعر: امين سلمان الجبوري

خيمة الشعراء الشعبيين في الكوفة

انت حاضِر الشدات ... وسفه اتطيح بالشده  
ونتّه اليعتنيك ايصيب ، .. والملهوف مسرور الهله اترده

ونتّه للحمّة حماي ... ما يرادلك حماي  
حتّه اتلاوذ ايسده

ونتّه جنة الفردوس ... للوالاك  
والعاداك ... مفلّس كل شي ما عنده

يا أول وليد ابكعبة الإسلام  
لا كبله انولد بيّه ولا بعده

أو يا أول بطل مرحب تلاكه آوياه  
إوسيفه ذوالفقار ابر كبته ايحده

اسمك وي اسمنه من المهد للموت





لاهوو اليهدنه واحنه منهده  
ياخي عونہ ... اوھنالھ أنوالیک

يا نعم الولي .. اللي غيره منوده  
مرینه اشداید کثره یا کرار

او ما غیرک یحیدر بیھن انفکده  
غدیرك یا علی موعید .. صارا ثنین

ونته آمن النجف یا سیدی اتشهده  
زحفت شیعتک با یعت من اجدید

ولبیغ وطنه صوتت وحده  
وحنه أعله المبادئ ... ما نخل فد يوم

مو کلمن یحبنه هم ولي النعده  
نریدک سیدی مویس حیا ... بالموت

تحضرنه یحیدر کلمن ابلحده

حزیران / ۲۰۰۵







# موال للإمام علي عليه

## السلام



شهاد الحلفي  
خيمة الشعراء الشعبيين في الكوفة

يانور كوكب زهر لاح وضوءه بسمله  
حزنانه ثغر الزمن وائه اصبحت بسمله

من مثلك بكل فخر صاح النبي بسمله  
وحصلت هالمرتبه امن الباري عزوجل

من كل جليا اصبحت يلوالى اعظم وجل  
المؤمن اليمتحن من يمس كلبه وجل

ينتخي بسمك علي يانقطة البسمله (١)

---

( 1 ) اشارة الى قول امير المؤمنين عليه السلام : كل ما في

القران في الفاتحة وكل ما في الفاتحة في البسملة وكل ما في البسملة

في النقطة وانا النقطة تحت الباء





# موال



مؤيد خليل العطار

رئيس الهيئة الادارية

لخيمة الشعراء الشعبيين في الكوفة

ولاية علي من العلي .. من كل شر حاجبه

وتبت يدا من توهم للشمس .... حاجبه

وتب من دعه وادعه .. عينه علت حاجبه

وبيكه علي يا علي إشارات الدورة العلي

واحنه إجمعه ولايته .. بعين القدير العلي

وبالشده من نلتوي .. نشجي وندبه لعللي

والما يندبه العلي .. ما عاد إله حاجبه

# ابوذية

مؤيد خليل العطار

رئيس الهيئة الادارية

لخيمة الشعراء الشعبيين في الكوفة

علي للحكل .. مع الحاك .. ما شبيهه

شبه يشبهله بيها .. ما شبيهه

علي من دونه نار .. وما شبيهه

اليغضه .. وجهه للجنة هويه

# الغدير

كريم الكندي الجليحاوي

البحر لوسوه مداد أو خلص بالدنيا الخبر

الشعر ما توصل الكنك كنما كتبوا سطر

اشلون يا راعي الولاية وائته اكبر من بحر

لكن الموقف غديري او ملزم أبنقل الخبر

❖❖❖❖

الخبر موخبر عادي خبر عيل الكل بشر

جمع رب الكون بحرين .....

الرسالة والنبوه بالامامه أو حوظ دينه أمن الخطر

نزل جبريل ابكمال الدين بلغ هالأمر

❖❖❖❖

أيعصمك أمن الناس ربك بلغ أولا تنتظر

جمع كل ذاك الحجيج الخاتم ابوقت الظهر



والخصه مثل الجمر  
أو كال وصل هالامر

أو خطب بي خطبه بليغه  
قال أمرني ألا لاه



أو يعدي الحيدر حصر  
سلمواو بايعوا جمع بكسر

هوه مولاكم أو أني  
أو نصب خيمه وقال



أو حاطر أبذاك الشعر  
اولا اقف موقف غدر

لومثل حسان أني  
ابد ما اعتزل بيعه



يو أعثمين او عمر  
أو حلكه ما طبه الخمر  
حتى سيدهم قدر  
ما اعاب هالغبر

مثل من سموا خليفه  
يا هو طب ذيج السقيفه  
او يا هو بايع ثقه أو أقره  
من هيج هيج فيه



الله يوعصه عمر  
أو ظلع المصاب ابكسر  
ذبههم أبا سفل صقر  
وارد ازيحن هالقهر

أرد اعاب امه طاعت  
اعليك بالمحسنها ساكط  
ذوله لا نقبل جهنم  
ارجوك تسمحلي ارداشتم





سوء اعليته حشر

ذوله بالشارع بعد هم



اشلون للشيعه النصر

ترسوالدنيا اظجيج



اوامس ظيعته الصدر

آمن ودعنه الحكيم



بالطف سحكته الخيل العصر

آمن عفنه احسين



طبو الكوفه ايسرر

امس زينب وابو الباقر



يا هو منهم مو قدر

كلي مودوله من ذوله



اوهذا من حلم القدر

احنه بالواقع رظينه



لكن ايين فجر

العبد يحكم على السيد



اوانه من هذا القهر

ايفرج الباري الوليه



ابعدل وايزول الضرر

اوتمتلي ارضه الفسيح



أو يظوي عالكون الكمر

اوتمتشر راية المهدي



انثا الله ابيوم العبر

اهنا ايين أبو اكريوه



أو يا هو قارون العصر

ايين الصديق منهو



لكن تحب الصبر

مشكله أو فعلا جيرة





# ابوذيات وهوسات



الشاعر

جاسم حمد العرفاوي

خيمة الشعراء الشعبيين في الكوفة

الشيعة اتلوز بك يا علي كل حين

انته الرجوه ولا آمال للحيين والميتين

الشدة مالها غيرك ييواحسنين

انته ألما تتحذر حاضر للشدات



علي اوصك الولاية أبنص لحيدر

تغذه ابدرة العصمة لحيدر

أمير المؤمنين إبحك لحيدر

الغيره ما تلوك آمن البريه



صير إويه اليحب حيدر ويا صير



على الحب اشبح العشره وياصير  
علي ويه الحك أو كل الحك وياصير



اوغيره ما اله بالحك سجيّه



البيضدون الوصي آله الزمن خلوه



جم جامع من العباد خلوه  
آلف لعنه على اللي كال خلوه



رابع للخلاقه النبويه



بالله و النبي أو اله نوالي  
امرحب بالنبوه ابفكره نوالي



رغما عى البيضد ونه نوالي



علي وولايتّه حجه اوتقيه







# صرخه الحك



لسيدي ومولاي أمير المؤمنين علي بن طالب عليه السلام بمناسبة يوم الغدير



...



مؤيد خليل العطار



رئيس الهيئة الادارية



لخيمة الشعراء الشعبيين في الكوفة



منبر ورايه وعلي وهمس العيون



وصوت داعي الحك يكر اعيرنها



وصرضة الحك لون ما يشبهلها لون



ولون شمس الله ايتباهعه بلونها



❖❖❖❖



راية الحمد وضوه وسر الأسرار



وباب طه وخازن لأسراره



سيد الأمم اوولي وتاج الاحرا



وعزة العالم وصوت احراره



ودورة الحك تلكبه لوسرعزها دار





اتدور إله .. شما دارت الدواره



نبض بدمانه رغم ظن الظنون



الخاب ظلها وعطبت .. بظنونها



مادرت ذات الوصي اشتحوي مضمون



والشمس عين الشمس مضمونها



العهد ذمه وغيرتك للذمه طوك



وصلت بمحراب جاهك يا علي



وغير ميزانك علي انسحكت إحكوك



وآنت ميزان العدل باسم العلي



هيبة وشرع الشرف بيدك يلوك



وجاه امين الله لبو جاء علي



ايعون الما طلب لسنيه عون

وعون منصرتلها ضي خيعونها



غيث للدني العبث بيها فرعون

وعصا موسى البهيا ذل فرعونها





يا ضير الدنيه يا شوف اليشوف



وعمت عين آلم تشوف بشوفها



كعبة الله وبيها سر الله يطوف



والشرف للعنده حظ يطوفها



فلك نوح وإلك تمتد الجفوف



تبايع وغمها التشح بحفوفها



عروة الوثقى وشرف اسمك يصون



شرف من بايع صدك ويصونها



اركانه بكد صبرك إحمله ديون



ونطمع إيجاه تفك ديونها





# أنا والحجاج .. وآخرون

للشاعر المحامي

شهيد الخلفي

٢٠٠٤/١٢/٥

خيمة الشعراء الشعبيين في الكوفة

سمي كبل لاتذ بحني يفلان

واقره الفاتحه وعلنبي سلم

وكول الله اكبر جرت السيف

ولان مسلم اذبحني ذبح مسلم

يمن اوجعت ضربي ارد اوصيك

ثواب لوالديك بلحمي اكرم

هذا الرأس اينع والقطف حان

قرر.. ثم اقطع .. ثم قم

يا حجاج وكتي آبد معصيك

إذا ماش اويه غيرك آلك سمم

ما صيرن سعيد واكصي وياك

نام برا حتك وابأ مري لتهم

لكل معضله تصح السيف موجود





ومتظل مشكله مادامه يحسم



وكلهه تصير مثله وتقتي بيه



والك هذا المثل يا صاح اقدم



الحبل الي برئى نشاهده اليوم



باجر ينعكد ويكوم يعدم



إذا مسرور صار براسي فنان



كله صفحة ركبتي بدمي يرسم



ذبح شمسي بنهاري وجانيي ايلوم



يكلي شببك مستقبلك مظلم



وعله طوله وكف بالمشعر إبليس



لأن محد عليه بججاره يرجم



صاح بعالي صوته وسمع الناس



طفح كيلي وبعد ما أكدرك اكنم



لازم جائزة نوبل يسوون



لاحسن طاغية وقاتل ومجرم



برمضان عمري ابرجي مكتوب



للعشره آلا واخر ما اتم



بفرض الصبح خميت يصلون



أنه



وعرفت آلي علي بالسجده يهجم



((اربه حياته ويريد قتلي ))



سمعني..وفزع منهو المتكلم



انه مو علي استغفر الله



بس متأكد انته اين ملجم





# ياسلمان الحمدي



للشاعر : ابو نور الاسدي



انشدك والشد مو عيب



جاوبني بصراحه ارجوك ياسلمان



كال انشر يصاح واطرح شعندك



اشوفك للنشر لهفان



كتله ارجوك تشرحلي



عكل شاعر رعيح وداخ ياسلمان



كتله احجيلي عالكرار



وبعهد الصميذة شجان



شرد احجي يكلي وشرد اسولف



التناشدني عليه بيه انه هم حيران



كتله احجيلي عن علمه





يكلّي اختصر لو افصلك يوجدان



كتله اختصر ياسلمان



واشرحلي بحور العلم والخلجان



كلي اسمع يا صاح وراح اسولفلك



جزء من معجزات المرتضى والبرهان



علي يا محنة كل ايه



علي يفسر القران



علي ينجي ادم ساعة العصيان



علي قائد سفينة نوح والربان



علي يامعجزة موسى



علي يفرك الطغيان



علي معجزة كل مرسل



علي محضر عرش بلقيس لسلمان



علي سيد انسها وجان



علي منصب من الرحمن



علي يتمم الاديان



رديت ونشره اعلى الشجاعة وكرة العزملن



يكلّي انت شجاك اعليمن تناشد







حيدر من يكر تشارد الفرسان



حيدر سيفه سجله الف برهان



يحصد لو هجم ويطرح الاغصان



حيدر لو يكر ماتضل روس مركبه اطلع الابدان



حيدر شطر مرحب وازنه بميزان



حيدر لبن ود وسده اعله التريان



صفين وجمل تشهد لهو بخير حيدر شلع البيان



كتله احجيلي اكثر كال اسمع علي الكرار عالي الشان



علي مثله ابد ماجابت النسوان



علي يالنصبه المنان



علي يوم الغدير اعلن اله الرحمن



عليه عليته ولي وخل تسمع الاكوان



بايعناك يا كرار ما بايعنه كل انسان



شيعه ونهتف باسمك يا علي ياداحي البيان



شيعه ونهتف باسمك يا علي يا حامي الجيران



شيعه وحطينه بالكلب اسمك يا علي



وضل اسمك علي عنوان



